

善
510.87
12-1
10

10



63281

重刊孫真人備急千金要方卷之八 諸風

論雜風狀第一



岐伯曰中風大法有四一曰偏枯二曰風痺三曰風懿四曰風痺夫諸急卒病多是風初得輕微人所不悟宜速與續命湯依輸穴灸之夫風者百病之長岐伯所言四者說其最重也

偏枯者半身不隨肌肉偏不用而痛言不變智不亂病在分腠之間溫卧取汗益其不足損其有餘乃可復也甲乙經云

溫卧取汗則巨取之

風痺者身無痛四肢不收智亂不甚言微可知則可治甚即不能言不可治

風懿者奄忽不知人咽中寒空空然巢源作噫舌彊不能

言病在藏腑先入陰後入陽治之先補於陰後寫於陽發其汗身轉輒者生汗不出身直者七日死鼻源作眼及者可治一黑一赤吐沫者不可治

風痺濕痺周痺筋痺脉痺肌痺皮痺骨痺胞痺各有證候形如風狀得脉別也脉微澀其證身體不仁

凡風多從背五藏輸入諸藏受病肺病最急肺主氣息又冒諸藏故也肺中風者其人偃卧而胃滿短氣冒悶汗出者肺風之證也視目下鼻上兩邊下行至口色白者尚可

治急灸肺輸百壯服續命湯小兒減之若色黃者此為肺已傷化為血矣不可復治其人當妄言撥空指地或自拈衣尋縫如此數日死若為急風邪所中便迷漠恍惚狂言妄語或少氣憒憒不能復言若不求師即治宿昔而死即

覺便灸肺輸及膈輸肝輸數十壯急服續命湯可救也若
涎唾出不收者既灸當竝與湯也諸陽受風亦恍惚妄語
與肺病相似然著緩可經久而死

肝中風者其人但踞坐不得低頭繞兩目連額上色微有
青者肝風之證也若脣青色青面黃尚可治急灸肝輸百壯
服續命湯若大青黑面一黃一白者此為肝已傷不可復
治數日而死

心中風者其人但得偃卧不得傾側悶亂冒絕汗出者心
風之證也若脣正赤尚可治急灸心輸百壯服續命湯若
脣或青或白或黃或黑者此為心已壞為水面目亭亭時
悚動者不可復治五六日死 一云旬日死

脾中風者其人但踞坐而腹滿身通黃吐鹹汁出者尚可

治急灸脾輸百壯服續命湯若目下青手足青者不可瀉
腎中風者其人踞坐而腰痛視脅左右未有黃色如餅染
大者尚可治急灸腎輸百壯服續命湯若齒黃赤鬢髮首
面土色者不可復治

大腸中風者卧而腸鳴不止灸大腸輸百壯可服續命湯
賊風邪氣所中則傷於陽陽外先受之客於皮膚傳入於
孫脉孫脉滿則入傳於絡脉絡脉滿則輸於大經中感病
歸於六腑則為熱不時卧止為啼哭其脉堅大為實實者
外堅充滿不可按之按之則痛也經絡諸脉傍支去者皆
為孫脉也

凡風之傷人或為寒中或為熱中或為厲風或為偏枯或
為賊風故以春甲乙傷於風者為肝風以夏丙丁傷於風

者爲心風以四季戊己傷於風者爲脾風以秋庚辛傷於
風者爲肺風以冬壬癸傷於風者爲腎風風中五臟六腑
之輸亦爲臟腑之風各入其門戶所中則爲偏風風氣循
風府而上則爲腦風風入頭則爲目風眼寒飲酒中風則
爲酒風風入房汗出中風則爲內風新沐中風則爲首風又
風入房中風則爲腸風外在腠理則爲泄風故曰風者百
病之長也至其變化乃爲他病無常方焉是知風者善行
而數變在人肌膚中內不得泄外不得散因人動靜乃變
其性有風遇寒則食不下遇熱則肌肉消而寒熱有風遇
陽盛則不得汗遇陰盛則汗自出肥人有風肌肉厚則難
泄喜爲熱中目黃瘦人有風肌肉薄則常外汗身中寒目
淚出有風遇於虛腠理開則外出淒淒然如寒狀覺身中

有水淋狀時如竹管吹麩此是其證也有風遇於實腠理閉則內伏令人熱悶是其證也

新食竟取風為胃風其狀惡風頸多汗膈下塞不通食飲不下脹滿形瘦腹大失衣則憤滿食寒即洞泄新熱食竟入水自漬及浴者令人大腹為水病

因醉取風為漏風其狀惡風多汗少氣口乾喜渴近夜則身如火燒臨食則汗流如雨骨節懈惰不欲自勞

新沐浴竟取風為首風其狀惡風而汗多頭痛

新房室竟取風為內風其狀惡風汗流沾衣

勞風之為病法在肺下使人彊上而目脫唾出如涕惡風而振寒候之三日及五日中不精明者是也七八日微有青黃膿涕如彈丸大從口鼻出為善若不出則傷肺

風邪客於肌膚虛癢成風胗瘙瘡風邪入深寒熱相搏則
肉枯邪客半身入深真氣去則偏枯邪客閔機中即變筋
中亦然邪淫於藏夢藏大形小淫於腑夢藏小形大邪隨
目系入腦則目轉眩邪中精則散視見兩物風邪入藏寒
氣客於中不能發則瘖啞喉痺舌緩不時服藥針灸風逐
脉流入藏使人卒瘖緩縱噤瘖致死風入陽經則狂入陰
經則顛陽邪入陰病則靜陰邪入陽病則怒

若因執食汗浴通腠理得開其風自出則覺肉中如針刺
步行運力欲汗亦如此也

凡覺肌肉中如刺皆由腠理閉邪氣閉在肌中因欲出也
宜解肌湯則善

夫目瞤動口脣動偏喎皆風入脉故須急服小續命湯將

八風散摩神明白膏卅參膏依經針灸之

諸痺由風寒濕二氣併客於分肉之間迫切而為沫得寒則聚聚則排分肉肉裂則痛痛則神歸之神歸之則執執則痛解痛解則厥厥則他痺發發則如是此內不在藏而外未發於皮膚居分肉之間真氣不能周故為痺也其風最多者不仁則腫為行痺走無常處其寒多者則為痛痺其濕多者則為著痺冷汗濡但隨血脈上下不能左右去者則為周痺也痺在肌中更發更止左左以應左右以應右者為偏痺也

夫痺其陽氣少而陰氣多者故令身寒從中出其陽氣多而陰氣少者則痺且熱也

諸痺風勝者則易愈在皮間亦易愈在筋骨則難痊也又

痺入深令榮衛澀經絡時疎則不知痛

風痺病不可已者足如履冰時如入湯腹中股脛淫漑煩
心頭痛傷脾腎時嘔眩時自汗出傷心目眩傷肝悲恐短
氣不樂傷肺不出二年死 一五三日

太陽中風重感於寒濕則變瘖也瘖者口噤不開背彊而
直如發瘖之狀搖頭馬鳴腰反折須臾十發氣息如絕汗
出如雨時有脫易得之者新產婦人及金瘡血脈虛竭小
兒腦風大人涼濕得瘖風者皆死溫病熱盛入腎小兒瘖
熱盛皆瘖瘖瘖瘖瘖皆相似故又瘖成癩宜審察之其重
者患耳中策策痛皆風入腎經中也不治流入腎則喜卒
然體瘖直如死皆宜服小續命湯兩三劑也若耳痛腫生
汁作癰癩者乃無害也惟風宜防耳針耳前動脈及風府

神良

諸風第二 方二十九首 灸法四十首

小續命湯

治卒中風欲死身體緩急口目不正舌強不能語奄奄忽忽神情悶亂諸風服之皆驗不令人虛方

麻黃

防己 崔氏外臺不用 人參

黃芩

桂心

甘草

芍藥

芎藭

杏仁

各壹兩

防風

壹兩半

附子

壹枚

生薑

伍兩

右十二味咬咀以水一斗二升先煮麻黃三沸去沫內

諸藥煮取三升分三服甚良不瘥更合旦三四劑必佳取

汗隨人風輕重虛實也有人脚弱服此方至六七劑得

瘥有風疹家天陰節變輒合服之可以防瘥一本云恍

惚者加茯神遠志如骨節煩疼本有熱者去附子倍芍

藥小品千金翼同深師古今錄驗有別白木不用
杏人救急無弓窮杏人止十味延年無防風

續命湯

治中風冒昧不知痛處拘急不得轉側四肢緩

急遺失便利此與大續命湯同偏宜產後失血并老小

麻黃

桂心

甘草

各三兩

生薑

伍兩

人參

芍藥

白朮

前方有杏人

附子

防已

芍藥

黃芩

各壹兩

防風

壹兩半

右十二味以水一斗二升煮取二升分三服古八分錄驗

無桂心名續命湯胡洽千金翼同

又方

治風歷年歲或歌或哭或大笑言語無所不及方

麻黃

叁兩

人參

桂心

白朮

各三兩

芍藥

甘草

防已

黃芩

芍藥

當歸

各壹兩

右十味咬咀以水一斗二升煮取三升分三服日三四復取汗

大續命湯治肝厲風卒然瘖啞依古法用大小續命一湯

通治五藏偏枯賊風方

麻黃捌兩石膏四兩桂心 乾薑 芍藥各兩

當歸 黃芩各壹兩杏仁叁拾枚荆瀝壹升

右九味咬咀以水一斗先煮麻黃兩沸掠去沫下諸藥

煮取四升去滓又下荆瀝煮數沸分四服能言未瘖後

服小續命湯舊無荆瀝今增之效如神千金翼有甘草

又方治大風經藏奄忽不能言四肢垂曳皮肉痛癢不知

獨活 麻黃各叁兩芍藥 防風

當歸 葛根 生薑 桂心

茯苓

附子

細辛

甘草各二兩

右十二味咬咀以水一斗二升煮取四升分五服老小半之若初得病便自大汗者減麻黃不汗者依方上氣者加吳茱萸二兩厚朴一兩乾嘔者倍加附子一兩咳者加橘皮二兩若胸中吸吸少氣者加大棗十二枚心下驚悸者加茯苓一兩若熱者可除生薑加葛根初得風未須加減便且作三劑停四五日已後更候視病虛實平論之行湯行針依沈灸之

又方治與前大續命湯同宜產婦及老小等方

麻黃

芍藥各二兩

乾姜

石膏

人參

當歸

桂心

甘草各二兩

杏仁

津拾枚

右九味咬咀以水一斗煮取三升分三服外臺方名續命湯范注同云

是張仲景方
本文兩味

西州續命湯治中風邪入一作身體不知自收口不能言冒

昧不識人拘急背痛不得轉側方

麻黃陸兩石膏津兩桂心貳兩甘草 芍藥

乾薑 黃芩 當歸各壹兩杏仁叁拾枚

右九味咬咀以水一斗二升煮麻黃再沸掠去上沫後

下諸藥煮取四升初服一升猶能自覺者勿熟眠卧可

厚覆小小汗出已漸減衣勿復大覆可熟眠矣前服不

汗者後復一升汗後稍稍五合一服安穩乃服勿頓服

也汗出則愈勿復服飲食如常無禁忌勿見風并治上

氣欬逆若面目大腫但得卧服之大善凡服此湯不下

者人口噓其背湯則下過矣病人先患冷汗者不可服

此湯若虛羸人但當稍與五合又為佳間有輒行此湯者
產婦及羸人喜有死者皆為頓服三升傷多且湯濁不
清故也但得清澄而稍稍服微取汗老皆無害也胡洽
今錄名大續命湯

大續命散治八風十二痺偏枯不仁手足拘急疼痛不得
伸屈頭眩不能自舉起止顛倒或卧苦驚如墮地狀盜汗
臨事不起婦人帶下無子風入五臟甚者恐怖見鬼來收
攝或與鬼神交通悲愁哭泣忽忽欲走方

麻黃 烏頭 防風 桂心 甘草

蜀椒 杏仁 石膏 人參 芍藥

當歸 藺茹翼作窮黃芩 茯苓 乾薑各壹兩

右十五味治下篩以酒服方寸匕日再後加以知為度

續命煮散 治風無輕重皆主之方

麻黃 芍藥 獨活 防己 甘草

杏仁 各三 桂心 附子 茯苓 升麻

細辛 人參 防風 各三 石膏 伍兩 白木 津兩

右十五味粗篩下以五方寸匕內小絹袋子中以水四升和生薑三兩煮取一升半分三服日日勿絕慎風冷大良吾嘗中風言語蹇澀四肢痿曳處此方日服四服十日十夜服之不絕得愈

排風湯 治男子婦人風虛濕冷邪氣入藏狂言妄語精神

錯亂其肝風發則面青心悶亂吐逆嘔沫脅滿頭眩重耳不聞人聲偏枯筋急曲拳而卧其心風發則面赤翕然而熱悲傷瞋怒張目呼喚其脾風發則面黃身體不仁不能

行步飲食失味夢寐倒錯與亡人相隨其肺風發則面白
欬逆唾膿血上氣奄然而極其腎風發則面黑手足不遂
腰痛難以俛仰痺冷骨疼諸有此候令人心驚志意不定
恍惚多忘服此安心定志聰耳明目通臟腑諸風悉主之

白鮮皮 白朮 芍藥 桂心 芎藭

當歸 杏仁 防風 甘草各二兩 獨活

麻黃 茯苓各三兩 生薑半兩

右十三味以水一斗煮取三升每服一升覆取微

汗可服三劑

大風湯 治毒風頑痺手足脚不遂身體偏枯或毒弱

不任或風入五臟恍惚多語喜忘有時恐怖或肢節
疼痛頭眩煩悶或腰脊彊直不得俛仰腹滿不食欬嗽或

始遇病時卒倒悶絕即不能語便失瘖半身不隨不仁沈
重皆由體虛恃少不避風冷所致治之之方

當歸兩 五味子 升麻兩 烏頭 黃芩

芍藥 遠志 獨活 防風 芍藥

麻黃 秦艽 石斛 人參 茯苓

石膏 黃芪 紫苑兩 杏仁四拾 甘草

桂心 乾姜兩 大豆壹升 金翼二云貳合

右二十一味以水一斗二升酒二升合煮取四升

服人分四服

八風十一痺痺逆半身不遂歷節疼痛肌肉枯

燥皮厚動或起緩急瘖不在一處卒起目眩失心恍惚

或黃汁出更相

或濕顏色乍赤乍白或青或黑角弓反張乍寒乍熱方

麻黃

白朮各壹斤

羌活貳斤

黃芩

壹斤

大黃半斤

栝蒌根

甘草

欒荊

天雄

白芷

防風

芍藥

天門冬

石膏

各拾兩

山茱萸

食茱萸

躑躅各伍斤

茵芋

拾肆兩

附子

參伍兩

細辛

乾薑

桂心

各伍兩

雄黃

朱砂

丹參

各六兩

右二十五味治下節酒服方寸匕初每日一服三十日

後日再五十日知百日瘥一年平復長服不已佳先服

小兒風散治迷惑如醉狂言妄語驚悸恐怖恍惚見鬼喜

怒悲憂煩滿顛倒邑邑短氣不得語語則失忘或心痛徹

背不嗜飲食惡風不得去帷帳時復疼熱惡聞人聲不知

痛癢身悉振搖汗出猥退頭重浮腫爪不知痛頸項強直

口面喎戾四肢不隨不仁偏枯癱瘓掣不得屈伸悉主之方

天雄 當歸 人參各五分 附子 天門冬

防風 蜀椒 獨活 各四分 烏頭 秦艽

細辛 白木 乾薑 各五分 麻黃 山茱萸

五味子 桔梗 白芷 柴胡 莽草 各二分

右二十味治下節合相得酒服半方寸匕漸至一匕日

三服以身中覺如針刺狀則藥行也

烏頭湯 治八風五尸惡氣遊走胷心流出四肢來往不住

短氣欲死方

烏頭 芍藥 乾薑 桂心 細辛

乾地黄 當歸 吳茱萸 甘草 各一分

右九味以水七升煮取二升半分三服

藁耳散治諸風方

當以五月五日午時乾地刈取藁耳葉洗曝燥擣下
篩酒若漿服一方寸匕日三作散若吐逆可蜜和為
丸服十九準前計一方寸匕數也風輕易治者日再
服若身體有風者皆作粟肌出或如麻豆粒此為風
毒出也可以鉞針刺潰去之皆黃汁出盡乃止五月
五日多取陰乾之著大甕中稍取用之此草辟惡若
欲看病省疾者便服之令人無所畏若時氣不和舉
家服之若病胃脹滿心悶發熱即服之并殺三蟲腸
痔能進食一周年服之佳七月七月九月九皆可采用
治心風虛熱發即恍惚煩悶半身不仁攣急方

荆瀝

竹瀝

栲根白皮

生麥門冬

升

香豉 各三升 人參

茯苓

梔子

黃芩

芎藭 桂心

細辛

杏仁

防風

白鮮皮 各貳兩

生薑

石膏

甘草 各三兩

右十八味 㕮咀以水二斗和竹瀝荆瀝煮取三升分四服相去如人行六七里凡五劑間三日服一劑已參兩

治虛執恍惚驚邪恐懼方

荆瀝 各三升

竹瀝 貳升

香豉 各三升

牛黃 拾捌銖

生麥門冬

人參 各三兩 升麻

鐵精

天門冬

龍齒

茯苓

梔子 各貳兩

右十二味 㕮咀以水二斗煮取三升去滓下牛黃鐵精更煎五六沸取二升七合分五服溫服相去六寸四里

地黃煎治熱風心煩悶及脾胃間熱不下 食補方

生地黄汁 枸杞根汁 生薑汁 酥 各各三升

荆瀝 竹瀝 各伍升 天門冬 人參 各捌兩

茯苓 陸兩 大黃 梔子 各四兩

右十一味 擣篩 五物為散 先煎地黃等汁 成煎次內散

藥攪調 每服一匕 日再漸加 至三匕 覺利減之

又方 黃芩 乾薑 芍藥 鼠尾草 各三兩

梔子 生薑 各六兩 羚羊角 伍兩 豉 壹升 綿裹

右八味 咬咀 以水七升 煮取二升 五分三服

治積熱風方

地骨皮 萎蕤 丹參 黃芪 麥門冬

澤瀉 醅 清蜜 薑汁 各壹升 生地黄汁 壹升

右九味 以水六升 煮取二升 去滓 內地黃汁 更緩火煮

減一升內蜜及薑汁又煮一沸藥成溫服三合日再

大防風湯 治中風發熱無汗肢節煩腹急痛大小便不利

防風 當歸 麻黃 白木 甘草各拾

黃芩參 乾地黄 山茱萸 茯苓 附子各壹

右十味咬咀以水九升煮取二升半一服七合大小便

不利內大黃人參各十八銖大棗二十枚生薑三兩煮

取三升分二服深師加天門冬壹兩

大戟洗湯 治中風發熱方

大戟 苦參 各等分

右二味為末以藥半升白酢漿一斗煮三沸適寒溫洗

從上下寒乃止立瘥小兒二指撮許漿水四升煮洗之

金牙酒 療積年八風五疰舉身躄曳不得轉側行步跛躄

不能收攝又暴口噤失立口言語不正四肢背脊筋急腫痛
流走不常勞冷積聚少氣乍寒乍熱二焦不調脾胃不磨
飲滯結實逆害飲食酢咽嘔吐食不生肌醫所不能治者

金牙

碎如米粒用
小綃袋盛

地膚子

無子用苳蘇
茶用蛇床子

乾地黄

葫蘆根

附子

防風

細辛

莽草

各肆兩

蜀椒

肆合

羌活

壹斤胡洽
用獨活

右十味以咀盛以綃袋用酒四斗於瓷罈中漬密閉頭
勿令洩氣春夏三四宿秋冬六七宿酒成去滓日服一
合此酒無毒及可小醉常令酒氣相接不盡一劑病無
不愈又令人肥健酒盡自可加諸藥各三兩惟蜀椒五
兩用酒如前勿加金牙也冷加乾薑四兩服此酒勝灸
刺起二十諸風難曳神驗用後備急用升麻乾姜各四
兩石解牛膝各五

兩不用蒟蒻根為十四味蘇恭不用地黃為十二一味一
方用茯苓藜四兩黃芪三兩胡治用續斷四兩為十一味
千金翼用茵芋
四兩无莽草

常山太守 **馬灌酒** 除風氣通血脈益精華定六腑聰明耳

目悅澤顏色頭白更黑齒落更生服藥二十日力執倍六
十日志氣充盈八十日能夜晝白日致神明房中強壯如
三十時力能引弩年八十人服之亦當有子病在腰膝藥
悉主之

天雄貳兩生用商陸根 躑躅 蜀椒各壹兩烏頭壹枚

附子伍枚桂心 白斂 茵芋 乾薑各參兩

右十味以絹袋盛酒二斗清春夏五日秋冬七日

去滓初服半合稍加至兩二合舊滓滓為散酒服方寸匕

以上以知為度夏日恐酒酸以油單覆之下并中近水

今不酸也 千金翼無商陸桂心為八味

續命酒 治久風枯癱二十年著床及諸惡風眉毛墮落方

乾地黄 獨活 丹參 礬石 兩 酪 壹 麥門冬

附子 甘遂 各貳兩 赤石脂 貳兩半 乾薑

蕪荑 羌花 柏子 入 各壹合 蘇子 壹升

菴蓉 茯神 翼作 金牙 薯蕷 白朮

杜仲 石南 牡荊子 山茱萸 款冬 各十

白芷 烏喙 烏頭 人參 狼毒

蜀椒 防風 細辛 礬石 寒水石

牛膝 麻黃 芎藭 當歸 柴胡

芍藥 牡蠣 桔梗 狗脊 翼作 天雄 各半

石斛 桂心 各陸銖

右四十五味，以酒一斗漬，夏二日，春秋六日，冬九日，一服半合，密室中，合藥勿令女人六畜見之，三日清齋，乃合。

千金翼無弓藥云加大棗四十枚更佳

又方 治八風十一痺，偏枯不隨，宿食久寒，虛冷，五勞七傷，及婦人產後餘疾，月水不調，皆主之方。

礬石 桂心 白木 狼毒 半夏

石南 白石脂 龍膽 續斷 芫花

白石英 代赭 藺茹 石葺 玄參

天雄 防風 山茱萸 桔梗 荊蘆

卷柏 細辛 寒水石 烏頭 躑躅

蜀椒 白芷 秦艸 葛蒲各言且 礬石

附子 遠志貳 石膏貳兩 蜈蚣壹枚

右三十四味以酒二斗漬四日每服一合日再七

日後去滓曝乾搗篩為散酒服方寸匕日再以知為度

胡洽四十一味無桂心細辛烏頭躑躅蜀椒而有芒消

兩山黃芩黃連大黃麻黃地黃前胡甘草黃絲子芍藥

紫苑各一兩杏人一枚同搗篩篩袋盛用水二斗

三斤黍米二斗作飯依釀酒法以藥袋置醱中春秋七

日夕十日日夏三日酒成服半雞子殼日三

服曝藥為末酒服方寸匕以身熱暖為度

營下酒

治風眩心亂耳聾目暗淚出鼻不聞香臭口爛生

瘡風齒齦癢喉下生瘡煩熱欬逆上氣曾脅肩脾痛手不

能上頭不能帶衣腰脊不能俛仰脚酸不仁難以久立八

風十一痺五緩六急半身不遂四肢偏枯筋攣不可屈伸

賊風咽喉閉塞噎噎不利或如錐刀所刺行人皮膚中無

有常處久久不治入人五臟或在心下或在膏肓自遊走四

肢偏有冷處如風所吹久寒積聚風濕五勞七傷虛損百

病悉主之方

茵芋

烏頭

躑躅

天雄

防己

石斛

貳拾

細辛

牛膝

甘草

栝子人

通草

桂心

秦艽

茵陳

山茱萸

黃芩

胡洽作黃耆

附子

瞿麥

乾地黄

王不留行

胡洽作天門冬

杜仲

澤瀉

石南

防風

遠志

各拾捌銖

右二十五味，以酒四斗，漬十日，每服一合，加至四

五合，以知為度。

千金翼名曰此為魯公酒，有乾薑，胡洽無。防己以納囊，成藥，用水二斗，法麴一斤。

同漬三四宿，出藥囊，炊二斗黍米，內汁，釀之，酒熟，飲如雞子大，日一服，稍稍飲之，以知為度。

又方 治風偏枯，半死，行勞得風，若鬼所擊，四肢不遂，不能

行，步不自帶，衣屢變，雙五緩六急，婦人帶下，產乳中風，五勞

七傷

乾薑

躑躅

桂心

甘草

芎藭

續斷

細辛

附子

秦艽

天雄

石膏

紫苑各五兩

葛根

通草

防風

栝子人

巴戟天

石斛

石南

山茱萸

石龍芮兩 天門冬

牛膝各兩

烏頭各兩

蜀椒半升

右二十五味以水五升漬一宿法麴一斤合漬秫

米二斗合釀二宿去滓炊糯米一斗醞三宿藥成先食

服半合日再待米極消盡乃去滓曝乾末服

獨活酒治八風十二痺方

獨活

石南各肆兩

防風

各三兩

附子

烏頭

天雄

茵芋

各貳兩

右七味咬咀以酒一斗漬七日每服半合日三以知麩
灸法

扁鵲云治卒中惡風心悶煩毒欲死急灸足大趾下橫文
隨年壯立愈

若筋急不能行者內踝筋急灸內踝上四十壯外踝筋急
灸外踝上三十壯立愈

若眼戴睛上插灸目兩眦後二十壯

若不能語灸第三椎上五百壯

若不識人灸季肋頭七壯

若眼反口噤腹中切痛灸陰囊下第一橫理十四壯灸卒
死亦良

治久風卒風緩急諸風卒發動不自覺知或心腹脹滿或

半身不隨或口噤不言涎唾自出目閉耳聾或舉身冷直
或煩悶恍惚喜怒無常或唇青口白戴眼角弓反張始覺
發動即灸神庭一處七壯穴在當鼻直上髮際是○次灸
曲差二處各七壯穴在神庭兩傍各一寸半是○次灸上
關二處各七壯一名客主人穴在耳前起骨上廉陷者中
是○次灸下關一處各七壯穴在耳前下廉動脈陷者中
是○次灸頰車一穴各七壯穴在曲頰陷者中是○次灸
廉泉一處七壯穴在當頤直下骨後陷者中是○次灸凶
會一處七壯穴在神庭上一寸是○次灸百會一處七壯
穴在當頂上正中是○次灸本神一處各七壯穴在耳
正直上入髮際二分是四分○次灸天柱二處各七壯穴
在項後兩大筋外入髮際陷者中是○次灸陶道一處七

壯穴在大椎節下間是○次灸風門一處各七壯穴在第二推下兩傍各一寸半是○次灸心輸一處各七壯穴在第五推下兩傍各一寸半是○次灸肝輸一處各七壯穴在第九推下兩傍各一寸半是○次灸腎輸一處各七壯穴在第十四推下兩傍各一寸半是○次灸膀胱輸一處各七壯穴在第十九推下兩傍各一寸半是○次灸曲池一處各七壯穴在兩肘外曲頭陷者中屈肘取之是○次灸肩髃一處各七壯穴在兩肩頭正中兩骨間陷者中是○次灸支溝一處各七壯穴在手腕後臂外三寸兩骨間是○次灸合谷一處各七壯穴在手大指虎口兩骨間陷者中是○次灸間使一處各七壯穴在掌後三寸兩筋間是○次灸陽陵泉一處各七壯穴在膝下外尖骨前陷者

中是○次灸陽輔一處各七壯穴在外踝上絕骨端陷者
中是○次灸崑崙一處各七壯穴在外踝後跟骨上陷者
中是

治風灸上星及百會各二百壯前頂一百四十壯腦戶及
風府各二百壯一云治大風灸百會七百壯

治百種風灸腦後項大椎平處兩廂量一寸三分須取病
人指寸量兩廂各灸百壯得瘥

治風耳鳴從耳後量八分半裏許有孔灸一切風得瘥狂
者亦瘥兩耳門前後各灸一百壯

治卒病惡風欲死不能語及肉痺不知人灸第五椎名曰
臟輸百五十壯多至二百壯使愈

心輸穴在第五節一二五第七節對心橫一間寸主心風腹

脹滿食不消化吐血酸削四肢羸露不欲飲食鼻衄目眇
眇眇不明肩頭脇下痛小腹急灸一二三百壯

大腸輸在十六椎兩邊相去一寸半主風腹中雷鳴腸澀

泄利食不消化小腹絞痛腰脊疼彊或大小便難不能飲

食灸百壯三日一報

掖門在掖下攢毛中一寸名太陽陰一名掖間灸五十壯

主風

絕骨在外踝上三寸灸百壯治風身重心煩足脛疼

賊風第二論一首灸法六首方三十一首

治肝虛寒卒然瘖啞不聲踞坐不得面目青黑四

肢緩弱遺失便利厲風所損方

桂枝 芎藭 獨活 牛膝 薯蕷

甘草

各二兩

附子

貳兩

防風

茯苓

天雄

茵芋

杜仲

朔藿根

白朮

各肆兩

乾薑

伍兩

大棗

肆枚

躑躅

猪椒葉根皮

各壹升

右十八味以酒四斗漬七日每服四合日一加至

五六合

肝風占候其口不能言

當灸鼻下人中次灸大椎次灸肝輸第九推下是五

十壯餘處隨年壯眼暗灸之得明二三百壯良

大定心湯

治心氣虛悸恍惚方

見第十四卷中

乾薑附子湯

治心虛寒風半身不遂骨節離解緩弱不收

便利無度口面喎邪方

乾薑

附子

各捌分

桂心

麻黃

各肆兩

芍藥

參兩

右五味咬咀以水九升煮取三升分三服三日後服劑

側子酒 治心寒或笑或呻口欬方 見第十七卷中

芎藭湯 治卒中風四肢不仁善笑不息方

芎藭壹兩 黃芩 石膏黃連 當歸 秦艽

麻黃 桂心 乾薑 甘草各壹兩 杏仁貳拾

右十味咬咀以水九升煮取三升分三服

荆瀝湯 治心虛寒陰氣傷寒損心驚掣悸舌蹇聲啞急混濁

口啗冒昧好自笑厲風傷心方

荆瀝各三升 母薑取汁 麻黃 白朮 芎藭各肆

防風 桂心 升麻 茯苓 遠志

人參 羌活 當歸各兩 防己 甘草各兩

右十五味咬咀以水一斗五升煎麻黃兩沸去沫次下

諸藥煮取三升去滓下荆瀝薑汁煎取四升分四服日
三夜一

白木酒補心志定氣治心虛寒氣性反常心手木隨語聲
冒昧其疾源厲風損心具如前方所說無窮

白木切

地骨皮

荆實

各伍斗

菊花

叁斗

右四味以水三石煮取一石五斗去滓澄清取汁釀米
二石用麴如常法酒熟隨能飲之常取半醉勿令至吐
治心風寒方

灸心輸各五十壯第五節兩邊各一寸半是

依源味黃湯治脾虛寒厲風所傷舉體消瘦語音沈澀如

破鼓聲舌強不轉而好咽唾口噤脣黑四肢不舉身重如

山便利無度方

在第十七卷中下方本關

半夏湯 温中下氣治脾寒吐逆聲息憂懼舌呆本捲縮噎喜無度
惛悶恍惚脹滿方

半夏
大麻人為脂研生薑各壹升芍藥

茯苓
五味子
桂心
橘皮各叁兩

白朮肆兩
附子伍兩
甘草貳兩
大棗叁拾枚

右十二味咬咀以水一斗一升煮取三升去滓下大麻
人脂更上火一沸分三服

當歸圓 補脾安胃調氣止痛治脾虛寒身重不舉語啞百沈
鼓厲風傷痛便利無度方

當歸
酸棗人
乾薑各捌芍藥
芎藭
乾地黄

天雄各陸地骨皮
黃耆各柒大棗貳拾吳茱萸壹伍

甘草
秦椒葉
厚朴
秦艽各肆桂心

防風

附子

白朮

各伍兩

右十八味為末蜜丸如梧子酒服三十九加至四十九日再服

脾風占候聲不出或上下手

當灸手十指頭次灸人中次灸大椎次灸兩耳門前脈去耳門上下行一寸是次灸兩大指節上下各壯

治脾風方

脾風者熱呼為八風

灸脾輸俠脊兩邊各五十壯凡人脾輸無定所隨四季月應病即灸臍輸是脾穴此法甚妙

依源

治肺虛寒厲風所中嗑吸戰掉聲嘶塞

而散下氣息短備四肢痺弱面色青葩遺失便利冷汗出

麻黃

陸兩

大棗

伍拾枚

杏仁

白朮

石膏 各肆兩 桂心

人參

乾薑

茯苓 各叁兩 當歸

芍藥

甘草 各貳兩

右十一味 㕮咀 以水一斗 一升 煮麻黃去沫 次下諸藥

煎取三升 去滓 分三服 舊方無木 茯苓今方無黃 芩轉

以依經逐病增損

八風散 治肺寒 虛傷 語音嘶下 拖氣 用力戰掉 緩弱

羸瘠 厲風入肺方

防風

獨活

芍藥

秦椒

乾薑

黃耆

附子

天雄

麻黃

石膏

五味子

山茱萸

陸

秦艽

桂心

薯蕷

細辛

當歸

防己

人參

杜仲

各叁兩

甘草

拾貳

貫衆

貳枚

甘菊

紫苑

右二十四味治下節每服方寸匕酒調進至兩七日推

溫中下薑湯治肺虛寒羸瘦緩弱戰掉噓吸胃滿肺痿方

生薑壹斤 桂心 橘皮肆兩 甘草 麻黃二兩

右五味以水一斗煮取二升半分二服先煎麻黃兩沸去沫然後入諸藥合煮

治肺寒方

灸肺輸百壯

腎痿湯治腎寒虛為厲風所傷語望日寒吃不轉偏枯胣脚

偏跛蹇緩弱不能動口喎舌音混濁便利仰人耳偏聾塞腰背相引隨病用藥依源增損方

羊腎壹具 黃耆 芎藭 桂心 當歸

人參 防風 甘草 五味子兩 玄參

茯苓

芍藥各二兩

磁石

伍兩

地骨皮貳兩

生薑捌兩

右十五味咬咀以水一斗五升煮羊腎取七升下諸藥取二升去滓分三服可服二劑

因寺酒

治耳聾口歌等病

方見第十七卷中

乾地黃圓

治腎虛呻吟喜恚怒反常心性陽氣弱腰背強

急髓冷方

乾地黃

山茱萸

天門冬

桂心

續斷各半斤

柏子人

杜仲

牛膝

茯苓肆拾

茯苓貳銖

茯苓

天雄

鍾乳各貳兩

松脂

遠志

乾薑各三銖

菖蒲

薯蕷

甘草各壹兩

右十八味末蜜丸梧子大酒服二十九日一加至四升

治腎寒方

灸腎輸百壯

大蠟蜜湯治賊風腹中絞痛并飛尸遁注發作無時發即

捨心脹滿脅下如錐刀刺并主少陰傷寒方

梔子 拾伍枚 甘草

乾地黄 細辛

羊脂 青羊角亦得 茯苓

吳茱萸 芍藥 小品用

乾薑 當歸

桂心 各壹兩

右十一味咬咀以水八升煮取二升去滓內脂令烊分

三服溫服相去如人行十里頃若痛甚者加羊脂三兩

當歸芍藥人參各一兩心腹脹滿堅急者加大黃二兩

胡洽不用梔子羊脂
茯苓桂心各壹兩

小蠟蜜湯治惡風角弓反張飛尸入腹絞痛悶絕往來有

時筋急少陰傷寒口噤不利方

大黃 貳兩

雄黃

青羊脂 各壹兩

當歸

乾薑

桂心

乾地黄

芍藥

甘草

細辛 各肆兩

吳茱萸 叁兩

右十一味咬咀以水二斗煮取六升分六服重者加藥

用水二斗煮取九升分十服

迷風湯 治諸毒風邪氣所中口噤悶絕不識人及身體疼

煩面目手足暴腫者方

犀角

貝子

升麻

羚羊角 各壹兩

右四味治下篩為粗散以水一升半內四方寸匕煮取

一升去滓服五合殺藥者以意增之若腫和雞子傳上

日三度老小可斟酌加減神良亦可多合備用

烏頭湯 治寒疝腹中絞痛賊風入腹攻五臟拘急不得轉

側叫呼發作有時使人陰縮手足厥逆方

烏頭拾伍枚要 大棗拾枚

甘草貳兩

芍藥肆兩

桂心陸兩

老薑壹斤

右六味以水七升煮五味取三升去滓別擣烏頭
去皮四破蜜二升微火煎令減五六合內湯中煮兩小
沸去滓服一合日三間食彊者二合以如醉狀為知不
知增之

治賊風所中腹內攣急方

麻黃肆兩

甘草壹尺

石膏

鬼箭羽各雞

右四味以東流水二升煮取一升頓服之

論曰夫歷節風著人久不治者令人骨節蹉跌變成癩病
不可不知古方已來無問貴賤往往苦之此是風之毒害

者也治之雖有湯藥而竝不及松膏松節酒若羈旅家貧不可急辦者宜服諸湯猶勝不治但於痛處灸二七壯佳

防風湯治身體四肢節解如墮腕腫按之皮陷頭眩短氣

防風 白朮 知母 桂心各肆兩 芍藥

芍藥 杏仁 甘草各參兩 半夏 生薑各五兩

右十味以水一斗煮取三升分四服日二夜一合

錄驗方無半夏杏仁芍藥用附子貳枚為八味

羌活湯治中風身體疼痛四肢緩弱不遂及產後中風方

羌活 桂心 芍藥 葛根

麻黃 乾地黄各參兩 甘草貳兩 生薑伍兩

右八味以清酒二升水五升煮取三升溫服五合

日二服

防己湯 治風歷節四肢疼痛如槌鍛不可忍者方

防己

茯苓

白朮

桂心

生薑 各肆兩

甘草 叁兩

人參 貳兩

烏頭 柒枚

右八味以咀以苦酒一升水一斗煮取三升半一服八

合日三夜一當覺焦熱痺忽忽然慎勿恠也若不覺復

合服以覺乃止凡用烏頭皆去皮熬令黑乃堪用不然

至毒每人宜慎之 千金翼不用苦酒

治濕風體痛欲拆肉如錐刀所刺方

附子

乾薑

芍藥

茯苓

人參

甘草

桂心 各叁兩

白朮 肆兩

右八味以咀以水八升煮取三升日二服 一方去桂用乾地黃貳兩

大棗湯 治麻節痠痛方

大棗 若伍枚

附子 壹枚

甘草 壹尺

黃耆 肆兩

生薑 貳兩

麻黃 伍兩

右六味以水七升煮取三升每服一升日三服

犀角湯 治熱毒流入四肢麻節腫痛方

犀角 貳兩

羚羊角 貳兩

黃芩

梔子 八

射干 兩

大黃

升麻 各肆兩

豉 壹升

右九味以水九升煮取三升去滓分三服

治麻節諸風百節酸痛不可忍方

松脂 三十斤 鍊五十遍 酒煮十遍 不能五十遍 二十

遍亦可 鍊酥二升 溫和松脂二升 熟攪令極調勻 日

空腹酒服方寸匕 日二數 數食麩粥為佳 慎血腥生

冷物酢菓子百日已後瘥

松節酒 治歷節風四肢疼痛由如解落方

松節

諸椒葉各五斤細剉各用

右二味澄清合漬乾麴伍斤候發以糯米四石伍斗釀

之依家醞法四酸勿令傷冷熱第一酸時下後諸藥

拍子人

天雄

單解

芎藭各五

秦元陸兩

人參

茵芋略肆

防風

若兩

礞石

兩 獨活略伍

右十味咬咀內飯中炊如常酸法酸足訖封頭四七日

壓取清適性服之勿至醉吐

石膏湯 逐風毒方

石膏

雞子大

杏仁

肆枚

雞子

貳枚

甘草

壹尺

麻黃

叁兩

右五味咬咀以水三升破雞子內水中烱令相得內藥

煮取一升服之覆取汗汗不出燒石熨取汗出為佳

治歷節風方

松膏一升酒二升浸七日每服一合日再數劑愈

又方 松葉二十斤酒二石五斗漬三七日服一合日五服

偏風第四 方十一首 針灸法五首

防風湯 治偏風甄權處療安平公方

防風 芍藥 白芷 牛膝

狗脊 單解 白木 各壹兩 羌活

葛根 附子 列臺作人參 杏仁 各貳兩 薏苡仁

石膏 桂心 各叁兩 牡黃 肆兩 生薑 伍兩

右十六味以水一斗一升煮取二升分二服服一

劑覺好更進一劑即一度針九劑九針即瘥灸亦得

針風池一穴 肩髃一穴 曲池一穴

支溝一穴 五樞一穴 陽陵泉一穴

巨虛下廉一穴 凡針七穴即瘥

仁壽宮備身患脚奉勅

針纓鉗一穴 陽陵泉一穴 巨虛下廉一穴

陽輔一穴 凡針四穴即能起行

大理趙卿患風腰脚不隨不能跪起

針上窈一穴 纓鉗一穴 陽陵泉一穴

巨虛下廉一穴 凡針四穴即能跪起

庫狄欽患偏風不得挽弓

針肩髃一穴即得挽弓甄權所行

治猥退風半身不遂失音不語者方

杏人主去雙人及皮尖二斗洗入臼擣一斗令碎研如
寒食粥法取汁八升煎取四升口嘗着香滑即熟未
及此則為不熟惟熟為妙停極冷然後內好麴一斗
六升煎取八升第一遍酸饋也次一炊復取杏人三
升研取一斗二升汁煎取六升第一酸也次一炊準
第二酸取杏人汁多少為第二酸也若疑米不足別
更取二升杏人研取八升汁煎取四升更斟酌炊米
酸之若猶不足更研杏人二升取八升汁煎取四升
更酸之以熟為限一不米杏人三斗所以節次研杏
人者恐併煎汁酢故也若冬日任意併煎準計三斗
杏人取汁一石六斗煎取八斗四升清麴以分之酸
饋酒熟封四七日開澄取清然後壓糟糟可乾末和

酒服之大驗秘方

又方 草麻子脂一升酒一斗銅鉢盛著酒中一日煮之令
熟服之

又方 灸百會次灸本神次灸承漿次灸風府次灸肩髃次
灸心輸次灸手五指次灸手髓孔次灸手少陽次灸
足五指次灸足髓孔次灸足陽明各五百壯

治大風半身不遂方

蠶沙兩石熟蒸分作直袋二枚各受七斗熟盛一袋
著患處如冷即取餘袋一依前法數數易換百不
瘥止須羊肚釀粳米葱白薑椒豉等爛煮熟喫日食
一具十日止此方千金不傳

又方 蒸鼠尾讓土袋盛熨之瘥即止

葛根湯 治四肢緩弱身體疼痛不遂婦人產後中柔風及氣滿方

葛根 芍藥 桂心 乾地黄

羌活 各二兩 麻黃 甘草 各二兩 生薑 陸兩

右八味以清酒三升水五升煮取三升溫服五合日三

麻子湯 治大風周身四肢攣急風行在皮膚身勞疆服之

不虛人又治精神蒙昧者方

秋麻子 參三升淨擇水漬一宿 防風 桂心

生薑 石膏 碎細異 橘皮 各二兩 麻黃 參三兩

竹葉 葱白 各壹握 香豉 壹合

右十味以水一斗半煮麻子令極熟漉去滓取

九升別煮麻黃兩沸掠去沫內諸藥汁中煮取二升去

淳分三服空腹服當微汗汗出以粉涂身極重者不過
一二兩劑輕者一二兩劑瘥有人患大風賊風刺風加獨活
三兩比之小續命湯準當六七八劑

仲景**續命湯**治中風手足拘攣百節疼痛煩熱心亂惡寒
經日不欲飲食方

麻黃參拾銖 黃芩拾捌銖 黃耆 細辛各拾銖 獨活壹兩

右五味咬咀以水五升煮取二升分二服一服小汗兩
服大汗心中熱加大黃半兩脹滿加枳實六銖氣逆加
人參十八銖心悸加牡蠣十八銖渴加括婁十八銖先
有寒加八角附子一枚此方秘不傳

白欬湯治風拘攣不可屈伸方

白欬 薏苡人 芍藥 桂心 酸棗人

牛膝

乾薑

甘草 附子

參攷

右九味以淳酒一斗漬一宿微火煎三沸每服一升日三扶杖起行不耐酒服五合千金翼有車前子

獨活寄生湯

夫腰背痛者皆由腎氣虛弱卧冷濕地當風

得之不時速治喜流入脚膝為偏枯冷痺緩弱疼重或腰

獨活

寄生

古今錄驗用續斷

杜仲

牛膝

細辛

秦艽

茯苓

桂心

防風

芍藥

乾地黄

人參

甘草

當歸

芍藥各貳兩

右十五味以水一斗煮取三升分三服温身勿冷

喜虛下利者除乾地黃服湯取蒟蒻葉火燎厚安席上

及熱眠上冷復燻之冬月取根春取葉蒸餅之佳其餘
薄熨不及萌蘗蒸為愈也諸處風濕亦用此法新產竟
或患腹痛不得轉動及腰脚攣痛不得屈伸痺弱者宜
服此湯除風消血肘後有附子壹枚大者無寄生人參甘草當歸
菊酒治男女風虛寒冷腰背痛食少羸瘦無顏色噓吸
少氣去風冷補不足方

菊花

杜仲各壹斤

防風

附子

黃耆

乾薑

桂心

當歸

石斛各肆兩

紫石英

茯苓各伍兩

車蘼

獨活

鍾乳各捌兩

茯苓叁兩

右十五味以酒七斗漬五日

一服二合稍稍加至

五合日三

千金翼不用乾薑

菊酒治腰脚疼痛不遂風虛方

杜仲 捌兩

石南 貳兩

羌活 肆兩

大附子 伍枚

右四味 㕮咀以酒一斗 漬二宿 每服一合 日再服 宜冷病婦入服之

風痺第五

論二首

方八首

灸法一首

論曰夫風痺者卒不能語口噤手足不遂而疆直者是也治之以伏龍肝五升為末冷水八升和攪取汁飲之能盡為善肘後此方治心煩恍惚自此已下九方皆主此症用之次第宜細尋之

論曰凡欲醫此病當知先後次第不得漫投湯藥以失機宜非但殺人因茲遂為痼疾已既得之當進三味竹瀝飲少似有勝於常更進湯也竹瀝飲子患熱風者必先用於此制其熱毒

竹瀝湯 治四肢不收心神恍惚不知久不能言方

竹瀝貳升 生薑汁壹升 生薑汁伍合

右三味相和溫暖分二服平旦日晡夜合一服服訖覺四體有異似好次進後湯方

竹瀝壹升 生薑汁伍合 芎藭 防己

附子 人參 芍藥 黃芩

甘草 桂心各壹兩 生薑肆兩 羚羊角叁兩

石膏陸兩 杏仁肆拾枚 麻黃 防風各壹兩

右十六味以水七升煮減半內瀝煮取二升五合分三服取汗間五日更服一劑頻與二劑漸覺少損仍進後方

竹瀝叁升 防風 升麻 羚羊角

防已

桂心

芎藭

各貳兩

麻黃

各二兩

右八味咬咀以水四升合竹瀝煮取一升半分二服兩

日服一劑常用加獨活二兩最佳此方神良頻進三劑

若手足冷者加生薑五兩白朮二兩若未除更進後方

竹瀝

甘草

一本作根貳兩

人參

芎藭

獨活

升麻

各壹兩

防風

麻黃

芍藥

各壹兩

生薑

石膏

附子

一本作杏

羚羊角

防已

桂心

黃芩

白朮

各貳兩

右十七味咬咀以水八升煮減半內瀝煮取一升半分

三服相去如人行十里又更服若有氣者加橘皮牛膝

五加皮各一兩

凡風痺服前湯得瘥訖可常服煮散除餘風方

防風

防己

獨活

秦艽

黃耆

芍藥

人參

白朮

茯神

芎藭

遠志

升麻

石斛

牛膝

羚羊角

丹參

甘草

厚朴

天門冬

五加皮

地骨皮

黃芩

翼作薯蕷

桂心

各壹兩

乾地黄

橘皮

生薑

麻黃

各壹兩

檳榔

翼作甘草

藁本

翼作附子

杜仲

翼作麥門冬

烏犀角

各壹兩

翼作山茱萸

金

薏苡仁

續

石膏

陸兩 一云叁兩

右二十一二味搗篩為粗散和攪令勻每服以水三升藥

三兩煮取一升綿漚去滓頓服之取汗日一服若覺心

中熱煩以竹瀝代水煮之

利溼湯

凡患風人多執常宜服此方

荆瀝

竹瀝

生薑汁 各伍合

右三味相和溫暖為一服每日且服煮散午後進此平復好瘥乃止

獨活散 治諸風痺方

獨活 捌兩

芎藭

芍藥

茯苓

防風

防己

葛根

各陸兩

羚羊角

當歸

人參

桂心

麥門冬

石膏

各肆兩

礞石

拾兩

甘草

參兩

白朮

伍兩

右十六味各切剉分為二十四分每分入生薑生地黃切一升杏仁二七枚以水二升煮取七合或日晚或夜中或日一服或間日服無所忌

五補圓

凡風服湯藥多患虛熱翕翕然宜除熱方

防風

人參

茯苓

乾地黄

羚羊角

麥門冬

天門冬

各是言兩半

芍藥

獨活

乾薑

白朮

丹參

食茱萸

云山茱萸

甘草

茯苓

升麻

黃耆

甘菊花

地骨皮

石斛

牛膝

五加皮

薯蕷拾錄

秦艽

芎藭

桂心

防己

生薑膏

黃芩

各是言兩

附子

拾捌

石膏

各是言兩

寒水石

貳兩

右三十一味為末白蜜和丸如梧子大生薑蜜湯服二

十九日二稍加至二十九忌油麪蒜生冷酢滑及猪羊

雞魚等肉

論曰古人立方皆準病根冷熱制之今人臨急造次搜尋

即用故多不驗所以欲用方者先定其冷熱乃可檢方用

無不效湯藥既爾丸散亦然凡此風之發也必由執熱盛故
有竹瀝葛汁等諸冷藥焉後之學者不能仔細識其方意
故有茲論具而述之其人無密室者且不可與療以彊人居
室不密尚中風邪况服藥之人乎

治風痺不能語手足不遂方

度病者手小指內岐間至指端爲度以置臍上直望
心下以丹注度上端毘又作兩度續所注上合其下
開其上取其本度橫置其開上合三合其狀如到作
么字形男度左手女度右手嫌不分了故上丹注三
處同時起火灸之各一百壯愈

風懿第六

論二首
針灸法六首

方二十三首

獨活湯

治風懿不能言四肢不收手足躄曳方

獨活肆兩

桂心

芍藥

栝樓根

生薑各貳兩

甘草叁兩

右七味咬咀以水五升煮取二升分二服日二

論曰脾脈絡胃俠咽連舌本散舌下心之別脈係舌本合

心脾二臟受風邪故舌強不得語也

治中風口噤不能言方

防己

桂心

麻黃各貳兩

葛根叁兩

甘草

防風

芍藥各壹兩

生薑肆兩

右八味咬咀以水六升煮取二升半分二服瘖瘡不語

皆治之

石南湯治六十四種風注走入皮膏中如蟲行腰脊強直

五緩六急手足拘攣隱形搔之則作瘡風口鼻身癢卒風面

目腫起手不出頭口噤不能言方

石南

乾薑

薑

細辛

人參各青兩桂心

麻黃

當歸

芎藭各兩青

甘草貳兩

乾地黄拾兩

食茱萸貳升

右十一味以水六升酒二升煮取三升分三服大

汗勿恠

治中風口噤不知人者方

芥子青升

酢叁升

右二味煮取一升薄頭以布裹之日一度肘後以治卒不得語

又方 豉伍升

吳茱萸青升

右一味以水七升煮取三升漸飲之肘後以治卒不能語

又方 白朮四兩以酒二升煮取一升頓服

又方服荊瀝一升

又方服淡竹瀝一升

針灸法

卒中風口噤不得開灸機關千金翼名頰車一穴穴在耳下八分

小近前灸五壯即得語又灸隨年壯僻者逐僻左右灸之

中風失瘖不能言語緩縱不隨先灸天窻五十壯息火仍

移灸百會五十壯畢還灸天窻五十壯者始發先灸百會

則風氣不得洩內攻五臟喜閉伏仍失音也所以先灸天

窻次百會佳一灸五十壯悉洩火勢復灸之視病輕重重

者一處二百壯大效凡中風服藥益劇者但是風穴悉皆

灸之二三壯無不愈也神良決定勿疑惑也不至心者勿浪

盡灸

論曰風寒之氣客於中滯而不能發故瘖不能言及喉痺

失聲皆風邪所爲也入臟皆能殺人故附之於治風方之
末凡尸厥而死脉動如故此陽脉下墜陰脉上爭氣閉故
也針百會入三分補之灸熨斗熨兩脅下又竈突墨彈丸
大漿水和服之又針足中趾頭去甲如韭葉又刺足大趾
甲下內側去甲三分

桂湯

治卒失音方

濃煮桂汁服一升覆取汗亦可末桂著舌下漸漸燕

又方

濃煮大豆汁含亦佳無豆用豉

治卒不得語方

酒五合和人乳汁中半分爲二服

論曰夫眼瞶動口唇偏喎皆風入脉急與小續命湯附子
散摩神明膏丹參膏依穴灸之喉痺舌緩亦然風入臟使

人瘖癡卒死口眼相引牙車急舌不轉喎僻者與伏龍肝
散和雞冠血及鼈血塗乾復塗之并灸吻邊橫文赤白際
逐左右隨年壯報之至三報三日不瘥更報之

附子散治中風手臂不仁口面喎僻方

附子

桂心 各伍兩

細辛

防風

人參

乾薑 各陸兩

右六味治下篩酒服方寸匕日三稍增之

甘草湯治偏風積年不瘥手脚枯細面口喎僻精神不定

言語倒錯方

甘草

桂心

芎藭

麻黃

當歸

芍藥

人參 各貳兩 附子

側子 各肆

獨活

防己 各叁兩

生薑

石膏

茯神 各肆

白朮

黃芩

細辛各壹兩秦艽

防風各壹兩半

菊花壹升淡竹瀝肆升

右二十一味以水一斗先煮麻黃去沫取七升內

竹瀝及藥煮取三升分四服服二服訖間一不與粥後更

進一服待藥勢自汗慎生冷醋蒜麩乳酪魚等

治中風面目相引口偏著耳牙車急舌不得轉方

獨活叁兩

竹瀝

生地黃汁各壹升

右三味合煎取一升頓服之即愈

又方牡蠣

礬石

附子

竈下黃土

右四味各等分為末取二年雄雞冠血和藥傅其上持

鏡候燥欲復故便急洗去之不速去便過不復還也針

翼一公偏右口涂土
仁偏左涂土

又方竹瀝各一升

防風

防己

升麻

桂心

芎藭各貳兩

麻黃肆兩

羚羊角各兩

右八味咬咀以水四升合竹瀝煮取一升半分三服日

服一劑常用效

又方

青松葉一斤搗令汁出清酒一斗漬一宿近火一宿

初服半升漸至一升頭面汗出即止

又方

酒煮桂取汁以故布搦病上正則止左喝搦右右喝

搦左此秘方不傳余常用大效

治口耳僻方

防風

附子

葛根各貳兩 柏實

麻黃

各參兩 獨活

生薑

各肆兩 杏仁各拾枚

右八味咬咀以水一斗酒一升煮取二升分四服

治卒中風口喎不正方

取空青末如豆大一枚含之即愈

又方

炒大豆二升令焦以酒二升淋取汁頓服後以治

又方

大皂莢一兩去皮子下篩以三年大酢和左喎塗右

右喎塗左乾更塗之

又方

以葦筒長五寸以一頭刺耳孔中四畔以麩密塞之

勿令泄氣一頭內大豆一顆并艾燒令然灸七壯即

瘥患右灸左患左灸右千金不傳耳病亦可灸之

又方

灸手交脉二壯左灸右右灸左其炷如鼠屎形橫安

之兩頭下火

枳如酒

主諸藥不能瘥者方

枳實上青刮取末欲至心止得茹五升微火炒去白

氣以酒一斗漬微火暖令得藥味隨性飲之至口僻

眼急大驗治緩風急風並佳用後以治身直不得屈伸反覆者和樹皮亦得

角弓反張第七方六首

治卒半身不遂手足拘急不得屈伸身體冷或智或癡或身強直不語或生或死狂言不可名狀角弓反張或欲得食或不用食或大小便不利皆療之方古今錄驗名風續命湯

人參 桂心 當歸 獨活 黃芩

乾薑 甘草各拾拾石膏壹兩杏仁肆拾枚

右九味以井華水九升煮取三升分三服日一覆取汗不汗更合加麻黃五兩合服

當歸 治賊風口噤角弓反張痙者方

防風 各拾捌枚 獨活 壹兩半

附子 言菽

細辛 半兩

麻黃 冬去根銖

右六味以酒五升水三升煮取三升服一升口不

開者格口內湯一服當蘇一服小汗三服大汗

又方 酒一斗膠二斤煮令烊得六升每服一升稍服得愈

又方 單服荆瀝良

秦艽 治半身不遂言語錯亂乍喜乍悲角弓反張皮膚

風癢方

秦艽

獨活 胡治用烏頭

黃耆

人參

甘菊花

各口錢兩胡治用蜀椒

茵芋

拾捌銖胡治用商草

防風

石斛

胡治用草薺

山茱萸

桂心

各壹兩半 附子

芎藭

胡治用桔梗

細辛

當歸

五味子

甘草

白朮

乾薑

白鮮皮

胡治用白鮮皮各口錢

麻黃

天雄

遠志各壹兩胡治用防己

右二十一味治下篩酒服方寸匕日再漸漸加至二匕
又云治風無新久并補

吳秦九散治風注入肢體百脉身腫角弓反張手足酸疼

少入膚習習身體盡痛眉毛隨落耳聾驚悸心滿短氣魂志
不定陰下濕癢大便有血小便赤黃五勞七傷萬病皆治

秦朮

蜀椒

人參

茯苓

牡蠣

細辛

栝蒌根

麻黃各拾

乾薑捌銖

附子

白朮

桔梗

桂心

獨活

當歸各壹兩

黃芩

柴胡

牛膝

天雄

石南

杜仲

莽草

烏頭各半兩

甘草

芍藥

防風

各壹兩半

右二十六味治下篩盛以囊袋食前溫酒一升服方寸
匕日三服急行七百步更飲酒一升忌如常法

風痺第八 論一首 方九首

論曰血痺病從何而得之師曰夫尊榮人骨弱肌膚盛因
疲勞汗出卧不時動搖加被微風遂得之形如風狀巢源云其
狀如被微風所吹但以脉自微澀澀在寸口關上緊宜針引陽氣
令脉和緊去則愈

治風濕脉浮身重汗出惡風方

甘草 貳兩

黃耆 伍兩

漢防己 肆兩

生薑

白朮 各叁兩

大棗 拾貳枚

右六味以水六升煮取三升分三服服了坐被中
欲解如蟲行皮中臥取汗

鐵精湯 治三陰三陽厥逆寒食胃脅支滿病不能言氣滿
胃中急有息四肢時寒熱不隨喘悸煩亂吸吸少氣言輒
飛颺虛損方

黃鐵冬拾斤以流水熬

炭五拾斤燒鐵令赤投冷水中復燒七遍

如此澄清取汁貳斗煮藥

半夏

麥門冬各壹斗

白薇

黃芩

甘草

芍藥各肆兩人參冬兩

石膏伍兩

生薑貳兩

大棗貳拾枚

右十味以咀內前汁中煮取六升服一升日三服兩日令盡

黃耆湯 治血痺陰陽俱微寸口關上微尺中小緊外證身

體不仁如風狀方

蜀黃耆

人參要略無

芍藥

桂心各貳兩

生薑陸兩

大棗拾貳枚

右六味咬咀以水六升煮取二升服七合日三服今盡
治游風行走無定腫或如盤大或如甌或著腹背或著臂
或著脚悉主之方

海藻 茯苓 防風 獨活 附子

白木酪各三兩 大黃伍兩 鬼箭 當歸各貳兩
陸

右九味咬咀以酒二斗漬五日初服一合漸加以知度

白斂散 治風痺腫筋急展轉易常處方

白斂半兩 附子陸

右一味治下篩酒服半升日三不知增至一升圭身

中熱行為候十日便覺

治風痺遊走無定處名曰血痺大易方

草薺 薯蕷 牛膝 澤瀉各貳兩 地膚子

白朮各半兩 乾漆 蠶蠟 狗脊 卑前子

天雄各拾銖 茵芋陸銖 山茱萸冬拾銖 乾地黄半兩

右十四味為末蜜和丸如梧子酒下十九日二後稍加

治諸風痺方

防風 甘草 黃芩 桂心

當歸 茯苓各壹兩 秦艽 葛根各貳兩

生薑伍兩 大棗冬拾枚 杏仁伍拾枚

右十一味咬咀以酒水各四升煮取二升分二服取汗

附子酒治大風冷痰癖脹滿諸痺方

大附子一枚重一兩者亦云貳枚酒五升漬春五日每服

一合日再以此瘥為度

林下酒治虛勞白病傷寒風濕及婦人帶下月水往來不

調手足疼痺著牀服之令人肥健方

麻子 壹石

法麴 壹斗

右二味先擣麻子成末以水兩石著釜中蒸麻子極熟
炊一石米頃出滓隨汁多少如家醞法候熟取清酒隨
性飲之

重刊孫真人備急千金要方卷之八

善
 書號碼 510.87
 12-1 V.10
 著譯者 孫思邈
 書名 (重刊孫真人) 備急千金要方

號數	借期	還期	號數	借期	還期
----	----	----	----	----	----

出借得不

出借得不

借閱者注意

- (一) 加意愛護勿失原有形狀
- (二) 損壞或遺失應照原價加倍賠償
- (三) 借閱以二星期為限期滿欲續借者須持書至館聲明但本館於必要收回時須即繳還
- (四) 逾期不歸還者應照章納金

善
 圖書號數 510.87
 圖書冊數 12-1 V.10
 登記號數 63281

